

کتاب طبرستان

اون بش کونده بر نشر اولنور دینی ، علمی مجموعه اسلامیہ در

صاحب و مدیر مسئولی

ابو العلا زین العابدین

تاریخ تأسیسی

۱۳۳۰

عدد ۱ ۲ جمادی الاول سنه ۱۳۳۰ پنجشنبه ۵ نیسان ۱۳۲۸ برنجی جلد

مشتري و يا شخص ثالث جانبدار و قوعنده بايعة طلب ضمان صلاحيتي ثابت و كندى فعليله حصولنده مشتري به بر حق تأمين ايتكسزين استعمال خيار تلقى اولنه جفتدن حكم خيار منتهى اولور.

كوريلور كه بايعة ؛ فعل ايله اوليان تعيديلرده مخبرلكنه خلل كليور، فسخ ايدرسه قبل القبض حالنده نقصانى انجق فاعلنه تضمين ايتديرسيور، يعنى شخص ثالث تعيبدنده مشتري بى تصديق ايدمه بور.

زيرا مبيع ملكنه كيرمامش و تسيميه مقدارن سوم شرا ايله ده قضى سبق ايتامشدر. بويله بر حالده مشتري بى تمام مئله مؤاخذه به انجق اجازت يول آجه بيلور. فقط بعدالقبض حالنده مشتري به ده تضمين ايتديره بيلور. اوده تأديه ضمان ايله حصوله كله چك مالكيته مستنداً فاعله رجوع ايدر. مجيز اولورسه طبى ايسيه چكى شى تمام نمندر. شو قدر كه فاعل مشتريدن بشقه بر ذات اولوب حادثه تعيب قبل القبض وقوعبولش ايسه اشبو اجازته قارشى مشتريك معلوم اولان مخبرلكى باشلار. يعنى مشتري ديلرسه بى فسخ ايدر، نمندن قورتيور. ديلرسه حصوله كلان نقصان، نقصان وصف اولسون نقصان قدر اولسون نمندن حصه سيله قبول ايدر. خياردن عارى عقد بيعده تعيبدن قبل القبض وقوعنده مشتري تعيبديله قابض ، شخص ثالث بايعة قارشى انجق مشتريك بروجه مشروح فسخته مؤاخذه اولور. بعدالقبض وقوعنده ايسه مشتري ايله شخص ثالث بايعة هر دولو مداخلتندن وارسته بولنور.

(۲) **نمون :** **مشتريك ملكنره عيقدار .** كه متفق عليه بر حكمدر . اختلاف بايعة ملكنه كيروب كيرمامسى نقطه سنده در . امامين حضراتى ملك بايعة دخولى ترويج بيوريورلر . امام اعظم حضرتلى بوكا قائل دكلدر . [بايع مخبرلكنك فسخ شقنى استعمال ايدرسه باره بى ورن مشتري قابضك استرداد مئنه قدر مبيع اورزنده حق حبسى وارددر . دقت !]

[مابعدى وار]

ماردينى زاده : ابراهيم



محكمة تميزك تفسيرلىرى

۱

اصول محاكمات جزايه قانونك ۸۲ ؛ نجى ماده سنه وار [*]

امنيّت صندوقى و كيلي جانبدارن اقامه اولسان تميز دعواى حكم استينافينك مرور زمان نقطه سندن حقوق شخصيه دعواى سنك دخى سقوطنه متدائر اولان فقره سنه منحصر

[*] ۸۲ ماده : ماده سابقه ذكر اولنان ايكى حالده مجازات تأديبيه بى مستلزم افعال ايجون حقوق عموميه و شخصيه دعواى ينه ماده سابقه مذكور بدلردن اعتباراً اوچ سنه صكره ساقط اولور . [اصول محاكمات جزايه قانونى]

اولمقدن ناشی بوفقره حکمیه حقنده کی اعتراضاتک تدقیقنه ابتدای اولندقدده اصول محاکمات جزائیة قانوننک استناد ایدیلان درتیوز سکسان ایکنجی ماده سنده حقوق عمومیه دعواسیله برلکده سقوطی کوستریلان حقوق شخصیة دعواسی حقوق عمومیه نی تولید واحداث ایدن مدعیات شخصیة اولمایوب ماده مذکوره احکامی انجق حقوق عمومیه دن تولد ایتمش حق شخصیلره منحصر بولمش و صندوق وکیلی طرفندن اراقلقدده اولان تضمینات دخی برنجی قسم حقوق شخصیة جله سندن اوله رق بناءً علیه بوباید قوانین عمومیه احکامنک جریانی لازم کیش ایکن عندالاستیناف سالف الذکر تضمینات ادعاسنک دخی جنجه دعاویسی مرور زمانه ابتداء ردینه قرار ویرلسی بولسز و مخالف اصول و قانون اوله رق لایحه تمیزیه محتویاتی وارد و بجا کورمش اولدیفندن اعلام استینافینک بالکیز بوبایدکی فقره حکمیه سنک نقضنه متفقاً قرار ویرلشد .

۲

اصول محاکمات جزائیة قانوننک ۱۶۹ نجی ماده سنده دأر [*]

حبسی مستلزم اولیان جنجه دعوالرندن طولانی محکمه نک تنسیبی حالنده ینه بالذات کلک اوزره مظنون علیک مدافعه ایچون بروکیل تعیین ایده بیله جکشی متضمن اولان اصول محاکمات جزائیة قانوننک بوز القش طقوزنجی ماده سنک مفهوم مخالفنه نظرأ حبسی استلزام ایدن مواد جرمیه نک محاکمه سنده مظنون علیه اولان طرفک حاضر بولمشی ایجاب ایدوب بو صورت اصول مذکورک معاملات تبلیغیه و غیاییه حقنده کی مواد سائره سی احکام صریحه بیله ده تأید و تأسس ایتمش قواعد عمومیه جله سندن اولمسنه ودرجه اولی محاکمندن برائته دأر صادر اولمش و حقوق عمومیه نامنه استیناف ایدلماش اولان مقرارت علیهنده بوز سکسان دردننجی ماده قانونیه نک ایکنجی فقره سی منطوقنجه بالکیز حقوق شخصیة سی طلب و تحری نقطه سندن دعوای استینافیه قیام ایدن مدعی شخصی لک شو یولده وقوعبولان مراجععلری اوزرینه درجه ثانیة ده لاحق اوله جق حکمک بو جهته حصری طبیعی اولغله برابر تدقیقات و محاکمات استینافیه نک دخی جهت مذکوریه انحصاری ایجاب ایتمایوب مدعیات شخصیة نک رد و قبولی قرارینک ارتباط و تعلقی اعتباریه منشأ اصلیدی اولان

[*] ۱۶۹ ماده : حبسی مستلزم اولیان جنجه لرده مظنون علیه مدافعه ایچون برنی توکیل ایده بیلور . فقط محکمه تنسیب ایدر ایسه مظنون علیک بالذات کلسنی دخی امر ایده بیلور . [اصول محاکمات جزائیة قانونی]

حقوق عمومیه دعواسنک ثبوت و عدم ثبوتی اساسه استنادی قانوناً لازم ولا بد بولمسنه کوره عندالاستیناف ادعای شخصیدن متولد اولان حقوق عمومیه دعواسنه متفرع اولوب بدایه مدار حکم اتخاذ اولنمان دلائل و امارات موجوده نك حکمه کافی اولوب اولمادیني مسئله سیده احوال مماثلده نظر دفته التمس و بوکا قارشو حق مدافعه سنی استعمال صلاحیتنی حائز اولان مظلونك ادعا ومدفاعاتی استماع ایملک احکام قانونیه دن اولمسیله حبسی مستلزم مواد جرمیه به شمول و سرائی طبیعی بوزان محاکات استینافیه ده مظلون علیه خصمی مدعی شخصی اولسه بیله هر حالده حضوری اسباب محرره دن ناشی مقتضی بولمیش ایکن محکمه استینافیه به حقوق شخصیه دن طولانی علپنده غیاباً صادر اولان حکمه اعتراض ایتش و برنجی محاکمه دعوت واقعه به اجابت ایتش اولان مستدعی تمیز بکک محل مأموریتنه عودتنده محذور اولوب اولمادیغه دائر و کیلی جانبندن وقوعبولان استفسار اوزرینه بوباید بر محذور قانونی اولمادیغه قرار ویرلمی ومتعاقباً خصم طرفندن دخی وکیل تعیین ایملک اوزره محاکمه تأخیری طلب اولمسنندن ناشی تعیین قلنان دیگر یوم محاکمه ایچون ذکر اولنان اصول محاکات جزائییه قانونك یوز التمس سکرنجی ماده سنك صراحتی دائره سنده مستدعی مومی الهك ذاته ویا اقامتگاهنه تبلیغ اولمیش بر جلبنامه نك موجود اولماسی کیفیتی نظر دفته التمسزین قرار مذکور طولایسیله وکیل نامنه اجرا قلنان تبلیغاتنه بناء اولبایدکی اعتراض علی الحکم عن فحالنك هنوز قبولی تحت قراره التماس ودعوت واقعه به ده وکیل مومی الهك اجابت ایتمامش اولدینی بالبيان ردی جهتنه کیدلمی اصول قانونه مغایر ومستلزم نقض احوال دن اوله رق لایحه تمیزیه مندرجاتی بو صورته وارد و بجا کورمیش اولدینندن اصول مذکورك ۳۱۴ و ۳۱۹ نجی ماده لری موجبجه سالف الذکر اعتراض عن فحالنك ردی قرارینی محتوی اولان اعلام اخیر استینافینك نقضنه قرار ویرلدی .

۳

اصول محاکات جزائییه قانونك ۱۸۴ نجی ماده سنه دائر [*]

محکمه استینافیه به مرکز قضاده کائن بدایت محکمه سنندن جنبه فعلیه مظلون . . . ك

[*] ۱۸۴ ماده : استیناف حق اولاً مجرم ویا مسئول اولانله ثانیاً بالکثر حقوق شخصیه سنندن طولانی مدعی شخصی به ثالثاً لوا بدایت محکمه لرنده بولنان مدعی عمومیلره رابعاً محکمه استینافیه ده بولنان مدعی عمومی به عاقددر . اورمانه متعلق جنبه لردن طولانی اورمان اداره سنك دخی استیناف حق وارددر . [اصول محاکات جزائییه قانونی]

برائتته دأر ویریلوب مدعی عمومی معاونلکی وکالتندن استینافاً تدقیق طلب اولنان قرار
 علیهنده کی استیناف استدعایه سنک ردی امرنده استناد اولنان اصول محاکمات جزائییه قانوننک
 یوز سکسان دردنجی ماده سی برائت ویا حکومیتی حاوی تنظیم واعطاء قلنان اعلامات ابتدائییه دن
 طولانی یوز سکسان یدنجی ماده قانونیه ده کوستریلان مدتار ظرفنده لوا مدعی عمومی
 معاونت دخی حق استینافی اولدیغنی متضمن اولوب شو وظیفه نک بونلره انحصاری افاده
 ایدر مذکور سکسان دردنجی ماده ده بر قید صریح موجود اولسادیقی کی جنجهیه متعلق
 اولان مواد جرمیه یی استینافاً رؤیت وظیفه سیله مکلف بولنان محاکم مذکوریه نژدنده مدعی
 عمومی معاونلکی وظیفه سی بالوکاله ایفا ایدنلرک اصول مذکورک یوز اونوز دردنجی ماده سی
 منطوقنجه لوا مدعی عمومی معاونلری طرفندن انتخاب و تعیین اولغنی اعتبارله و علی الخصوص
 قضاده بولنان معاون وکیللرینک حق استینافی استعمالدن ممنوعیتته دأر بر ماده قانونیه نک
 فقدانیه برابر نژدنده بولندیغنی محاکدن صادر اولان مقرراتدن طولانی استیناف و تمیز
 طریقته مراجعت صلاحیت اساسیه سنک محفوظیتی حقنده کی اصول محاکمات جزائییه قانوننک
 احکام عمومیه سی دالالتیه ده معاون وکیللرینک قباحته متدأر اولوب صورت قطعییه ده ویریلان
 قرارلر علیهنده طوغریدن طوغری به تمیز دعواسنه تشبث و ابستدار ایلدکلری مثللو بو
 مقرراتک قابل استیناف اولانلرینک مغایرت قانونیه سندن بختله محکمه استینافیه ده دخی
 مراجعت امرنده حائز صلاحیت اولدقلری درکار ایکن عندالاستیناف شو صلاحیتک عدم
 موجودیتندن بختله معاون وکیلنک اولباده کی استیناف استدعایه سنک ردینه قرار ویرلسی
 یولسز و مغایر اصول و قانون اولوب لایحه تمیزیه محتویاتی واردوبجا کورغش اولدیغندن
 اصول مذکورک ۳۲۴ و ۳۱۹ نجی ماده لری موجبجه قرار مذکوری ناطق اولان اعلام
 استینافینک نفضنه ۲۶ کانون ثانی سنه ۱۳۲۴ تاریخنده قرار ویرلدی .